

De Negligentia Usufructuarii.

SUMMARIUM.

1. Usufructuarius debet cavere de utendo, & fruendo salva rei substantia.
 2. Quam cautionem si omittat praestare, non facit fructus suos, imo privatur Usufructu.
 3. Limita, si Usufructuarius bona fide perciperet fructus.
 4. Ad constitendum Usufructuarium in mala fide, debet Proprietarius interpellare Usufructuarium ad cavendum.
 5. Mulier Usufructuaria presumitur ignorans, & in bona fide.
 6. Si Usufructus sit litigiosus, non est cavendum.
 7. Qui donavit omnia bona retento sibi Usufructu, non tenetur cavere.
 8. Proprietarius potest remittere hanc obligacionem cavendi.
 9. Quae remissio potest etiam tacite fieri, ut scilicet tacendo, & non interpellando Usufructuarium ad cavendum.
 10. Pauper, alias probus, & bona fama, si non potest aliter cavere, sufficiet cautio Iuratoria.
 11. Si vero non sit Vir probus, Proprietarius, vel alius tertius habebit apud se bona, & correspondet Usufructuario de fructibus.
 12. Legato Usufructu in rebus usu consumptibiliibus, observandum est ex conjectura mente testatoris, an sit legata proprietas.
 13. Si Usufructuarius offerat sufficientem cautio-
- nem, & proprietarius eam recusat abduc sine cautione fructus suos.
14. Etiam Usufructuarius dives debet cavere.
 15. Non tenetur cavere, si debet succedere in proprietate.
 16. Pater, qui habet Usufructum in bonis adventitiis filiorum, non tenetur cavere.
 17. Negligens est Usufructuarius, si omittat facere reparationem necessariam pro rei conservazione.
 18. Intellige dummodo expensæ sint modicæ.
 19. Tenetur ad reparationem, quæ respiciunt commodum temporale, & fructuum conservacionem, non vero quæ ad proprietatem spectant.
 20. Nisi habito respectu ad tempus, quo percepturus sit Usufructum, quia pro rata judicio prudentis concurret ad expensas.
 21. Si requirerentur magnæ expensæ, non tenetur Usufructuarius expendere de suo, deinde repetere, si tamen faciat, repetet.
 22. Tenetur Usufructuarius solvere annua onera, ut annuos canones, & census.
 23. Nisi tanta essent, quod exaurirent Usufructum.
 24. Intellige, si Usufructus fuerit inutilis perpetuo, secus si per aliquid tempus, post quod esset utile.
 25. Si non faceret Inventarium, seu descriptionem rerum de quibus habet Usufructum, culparetur de negligentia.

ARTICULUS XXXII.

De Negligentis, & omissionibus Usufructuarii.

Nerdum est, quod Usufructuarius tenetur cavere de utendo, & fruendo re concessa salva rei substantia arbitrio boni Viri, si res consistat in immobili, vel de restituendo pretio, aut simile Spetie, quantitate, & qualitate, si consistat in re mobili, quæ usu consumitur secundum estimationem de tempore, quo consignantur Usufructuario, ut frumento, Vino, Oleo, & similibus, in quibus licet propriè non possit confi-

stere Usufructus, quia non potest verificari Usus, salva rei veritate, & substantia, tamen verificatur eo modo, quo potest, saltèm impropriè, ut implatur mens testatoris, & de rebus mobilibus, quæ non unico Usu consumuntur, diminuuntur tamen, debet restituere, quod superest secundum unam opinionem, vel pretium, secundum alteram allegatas à Gabriel. lib. 5. commun. opin. sub tit. de Usufructu; concl. 1. num. 20. & de prædictis habetur toto tit. ff. de Usufr. quemadmodum ca-

vet

Pars Secunda. Artic. XXXII.

477

vet l. 1. C. de Usufr. Ubi Barbosa, & DD. Gabriel d. tit. de Usufruct.

Modo quod facit ad rem nostram est, si non præstet hanc cautionem, sed negligat, quinam effectus sequantur ex tali omissione, & negligentia.

2. Primus effectus est, quod non faciat fructus suos, immò privatur usufructu, si esset in possessione, seu detentio rei, & si non detineret rem concessam ad Usufructum, repellerebatur ab agendo pro ejus consequione l. Uxori ff. de Usufr. l. s. Usufructus C. de Usufruct. & l. Usufructu constituto C. eodem Gabriel tit. de Usufr. concl. num. 10. Barbosa in c. fin. 3. de pignor., Castill. de Usufr. c. 14. ubi n. 5. quod repellitur exceptione.

3. Qui tamen effectus limitatur in pluribus casibus Primo si Usufructuarius bona fide fructus perciperet non data cautione, quia ignorabat esse cavendum, tunc quia cessat negligentia ad quam incurrendam requiritur scientia, quod quis teneatur præstare ut probavimus in prima parte, sublata ergo negligentia tollitur, & ejus effectus, & notavit gl. in l. Uxori l. prima ff. de Usufruct., Vivius Com. opin. lib. 3. opin. 43. n. 4.

4. Hinc fit, quod Proprietarius teneatur eum interpellare ad præstandam cautionem, qua Interpellatione facta cessat bona fides, cessat Ignorantia, & consequenter intrat negligentia, & tenetur ad restitutionem fructuum perceptorum à die interpellationis, usque ad præstatim cautionem, Merlin. dec. 29. nu. 13. 14. Castil. de Usufructu c. 16. nu. 13. Bero consil. 41. n. 29. 30. Vol. 1.

5. Hinc in dicta dec. 29. Merlin. nu. 10. infertur, quod cum in Muliere presumatur talis ignorantia, illa fecerit fructus suos, quia non interpellata.

6. Secundo limitatur si Usufructus sit litigiosus, quia durante lite non tenetur cavere, & consequenter non incurrit negligentia culpm, Cerro dec. 29. 1. n. 13., & si Proprietarius, vel alius percipiat fructus tenetur satis dare Usufructuario de restituendis fructibus in casu succubentia ad tex. in l. cuius cunque 66. 6. Si fundi ff. de Usufr.

7. Tertio limitatur in eo qui donavit omnia bona, retento sibi Usufructu, qui non tenetur cavere, eo quia cum sponte sua donaverit, vel nullam incurrit suspicionem de abutendo rebus donatis, vel censem cum hac conditione donasse, & sibi usumfructum re-

servasse Barbosa in l. 1. n. 12. C. de Usufr., post Cavalcan. de Usufr mulieri relicto n. 153. Surd. de alim. tit. 9. qu. 41. n. 7. Gabriel dicta concl. 1. de Usufr. num. 45., Vivius com. opin. lib. 3. opin. 45. num. 4.

8. Quarto limitatur si haeres proprietarius postquam successit in proprietate, remittat præstationem cautionis, quod potest cum in favorem sui præstanta esset, & unusquisque potest cedere Iuri, & favori pro se introduceto, Castill. de Usufr. cap. 15. num. 16. Gutierrez in repetit. l. Nemo potest n. 280., & 285. ff. de leg. 1., Barbosa in l. 1. n. 8. C. de Usufr., Gabriel dicta concl. 1. n. 11.

Quinto limita si quis vivens constitutat Usufructum alteri duraturum, donec ipse viveret, quia & ipse potest rei sua legem ponere, aut cedere favori sibi à lege constituto, Surd. de alim. tit. 9. q. 26. n. 23., Gutierrez in dicta l. Nemo potest n. 287. ff. de leg. 1., Barbosa in c. fin. n. 6. de pignorib.

9. Sexto limita si haeres non quidem expresse, sed saltè tacite remittat cautionem, ut contingit quando sciens Usufructuarium bona tenere, fructus percipere, aut mobilia Usufructuaria consumere, & tamen taceat, patiatur, nec cautionem exposcat, tunc Usufructuarius omissoa præstatione cautionis non est negligens, sed facit fructus suos, nec potest privari Usufructu, ut post Ruin. consilio 91. col. 2. in fine Vol. 2., notat Gabriel de Usufr. concl. 1. nu. 14. Vivius com. opin. lib. 3. opin. 43. num. 3. Vbi Gabriel n. 15. ampliat si à testatore concessa fuisset Usufructuario potestas intrandi ad bona propria auctoritate, tunc etiam sine scientia, & patientia proprietarii, nec præstata cautione adhuc facret fructus suos.

10. Septimo limita in paupere, qui non invenit fidejussores, quibus caveat, nec habeat pignora, tamen sit Vir honestus, & probus bona fama, nec male consumens, tunc sufficiet, si caveat Iuramento suo ad latè tradita per Leoncillum de privilegiis pauperum, privilegio 421. Gabriel dicta concl. 1. nu. 37. quæ sententia magnæ innititur æquitati, quidquid dicat Vivius com. opin. lib. 3. opin. 45. n. 8. Barbosa in l. Usufructu constituto nu. 8. in fine C. de Usufruct.

11. Dixi si sit Vir honestus probus &c., quia alias si sit Vir suspectus, nec possit cavere per fidejussores, bona vel sunt consignanda proprietario vel alteri, qui debit is temporibus